



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

III. Si post damnatam hæresim Patriarchæ adhærerent hæreticis, deponi poterant à Summo Pontifice & synodo Romana, absque Concilio Oecumenico. Tunc enim Papa se præstat executorem sententiæ latæ ...

**urn:nbn:de:hbz:466:1-15617**

*que ex parte Legati. Expectabatur ex omnium, id est, orientalium & occidentalium, auctoritate sententia informatura regulam discipline. Integrum nempe esse debuerat, nec quicquam novari, dum definitio deliberata procederet; cum interea mirum quoddam precipitum festinationis exarset, ut non expectatis literis Sacerdotum qui fuerant mutua parvum legatione consulti, non examinatis rebus, in exilium truderentur antistites, animadversioni prius addicti quam sententiam judicij episcopalis experti. Denique quam immatura illa damnatio fuerit, res probavit. Namque hi quorum expectabantur auctoritas, pacifica Ioanni Episcopo communionem permisit, faciendam concordiam censerunt, nec quicquam putarunt ante judicium consortio repellendum. Quid nunc aliud superest quam ut catholicam fidem schismata in diversum dissociata dilacerent?*

*V. Sanè schisma inter Ecclesias duravit donec Episcopi Constantinopoleos & Antiochia nomen Chrysostomi reposuerunt in diptychis Ecclesiae, id est, in libris in quibus descripta erant nomina Episcoporum defunctorum; qua in Liturgia recitabantur, ut eorum memoria communicaretur, precésque pro eis fierent. Cyrilus Episcopus Alexandrinus, Theophili successor, acriter contendit id fieri non debere, scripta ad Atticum Episcopum CP. gravissima epistola, qua siebat id contra canones esse & adversum auctoritati judicij pro depositione lati, neque ea ratione revocandam esse pacem Ecclesiae ut interim vulnus atrocissimum canonibus infligatur. Atamen redit occidentalibus & orientalibus concordia post restitutionem nominis Chrysostomi. Quare non sine causa scribere hæc potuit Papa Gelasius in epistola ad Episcopos Dardanias: *Ioannem Constantinopolitanum synodus etiam catholicorum Præfulum certe damnarat; quem simili modo sedes apostolica, etiam sola, quia non consensit, absolvit.* Quæ tamen verba non ita intelligenda sunt, tamē si ea sit multorum persuasio, ut hinc colligi videatur synodum non esse executoriam absque confirmatione Summi Pontificis. Nam nihil aliud hinc erui potest quam sedem apostolicam non consensisse executioni hujus judicij adversus Chrysostomum lati, tum quia ipse appellaverat, tum etiam quod irritum prorsus & nullum censemendum illud esset, orientales vero, cum nihil ex obstinate severitate Pontifex Romanus remitteret, necessitate quadam coactos cessisse ejus voluntati, ut pacem Ecclesiarum ea occasione interruptum restituerent.*

*Videlicet cap. 7.  
§. 1.*

Tom. II.

C A P V T X.

Synopsis.

I. *Ioannes Patriarcha Alexandrinus à Petro Moggio dejectus, Papam Simplicium appellavit.*

II. *Summi Pontifices non solum cognoscabant de appellationibus orientalium, sed etiam primam causam cognitionem in se trahebant, si de heresi ageretur. Materia enim fidei est causa communis. Eo iure usus est Celestinus adversus Nestorium.*

III. *Si post damnatam heresim Patriarche adhuc reverent hereticis, deponi poterant à Summo Pontifice & synodo Romana, absque concilio Oecumenico. Tunc enim Papa se prestat executorem sententia late adversus heresim. Probatur ex Gelasio.*

IV. *Gregorius magnus judicavit appellationes interpositas à sententiis Patriarche Constantinopolitani.*

I. **M**A G N I etiam momenti est appellatio Ioannis Patriarchæ Alexandrini, quem Petrus Moggus hereticus, jubente Imperatore Zenone, & consentiente Acacio Episcopo Constantinopolitano, episcopatu deturbavit. Imploravit dejectus ille auxilium Calendionis Patriarchæ Antiocheni, ex cuius & synodi Orientis sententia Papam Simplicium appellavit, ut scribit Liberatus Archidiaconus Ecclesie Carthaginensis in capite XVIII. Breviarij: *Ioannes ingressus est ad Calendionem Patriarcham; & simplicis ab eo intercessionis synodis literis, Romanum Pontificem appellavit, sicut fecit & beatus Athanasius; & suauit scribere pro se Acacio Constantinopolitano.*

II. Non solum autem Summi Pontifices cognoscabant de appellationibus Episcoporum & Patriarcharum Orientis, quando agebatur de fide, sed etiam primam causam cognitionem ad se trahebant, si forte in heresim incidissent. Nam quia materia fidei est causa communis & generalis, quæ ad universam Ecclesiam pertinet, ut supra dixi, necesse est ut heres is ab omnibus Episcopis damneretur, pricipue vero à Romano, qui caput est unitatis, & qui cum primam sedem obtineat, ferre debet primam sententiam; *cujus debet esse prima sententia;* ut loquitur Facundus Hermianensis. Eoque jure visus est Celestinus Papa adversus Nestorium.

III. At si jam heres is in synodo damnata fuisset, quemadmodum Eutychiana in Concilio Chalcedonensi, tum, si Patriarchæ communionem hereticorum amplectebantur, deponi poterant à Summo Pontifice & synodo Romana, neque necessaria erat synodus Oecumenica. Eo enim casu Papa

Tt

Vide lib. 4. c. 17.  
§. 1.

se tantum præstat executorem sententia latæ adversus autores hæreseos & eorum complices. Ei fundamento innixus Gelasius Papa, Acacij Patriarchæ Constantinopolitani, qui à Felice Papa dejectus fuerat in synodo Romana, depositionem tueretur adversus exceptionem Euphemij Patriarchæ Constantinopolitani, qui aiebat decepsorem suum non potuisse damnari ab uno, id est, à Summo Pontifice, absque congregatione synodi. Responderet itaque Gelasius in comminitorio ad Faustum: *In qua, id est, in synodo Chalcedonensi, per numerosam sententiam Sacerdotum erroris hujus autores constat fuisse damnatos, decepsorumque meum executorem fuisse veteris constituti, non novæ constitutionis auctorem.*

I V. Auctoritatem judicandi de appellationibus interpositis à sententiis à Patriarcha CP. latis in causa fidei retinuit Gregorius magnus: cuius rei exempla extant in causa cuiusdam Presbyteri Chalcedonensis, & monachi cuiusdam Lyconia, qui à Ioanne Patriarcha Constantinopolitano appellaverant,

## C A P V T XI.

## Synopsis.

I. Inquiritur an canones Sardicenses in Occidente obtinuerint in gratiam Episcoporum dejectorum. Quid Occidentis nomine significetur. Varia Occidentis Dioceses enumerantur.

II. Serò itaque canones Sardicenses recepti sunt in Occidente. Nam Principes causas retractari jubebant jure suo; quo eos privare noluit Concilium Sardicense.

III. Ex constitutione Gratiani, qua valde amplificata est auctoritas Episcopi Romani, colliguntur eos canones nondum fuisse receptios in usum.

IV. Ei constitutioni edenda occasionem præbuit Romana synodus, qua agè ferebat Episcopos in singulis occasionibus accedere ad Imperatores pro impetranda revisione. Ordo itaque judiciorum nova legge explicatus est à Gratiano, qua plurimum auctoritatis tribuit Episcopo Romano.

V. Referuntur verba rescripti hujus Principis.

V I. Missum est illud in executionem quadriennio post, in causa Priscilliani & sacerdotum ejus: qui cum damnati fuissent in synodo Casarangustana, Romanis accesserunt, ut Damaso coram objecta purgarent. Sed ne in conspectum quidem ejus admitti sunt.

V II. Reddiuntur sunt postea Ecclesiis suis à Gratiano. Sed rursus damnati sunt, post mortem Gratiani, studio Ithaci Episcopi.

V III. Sulpitius Severus agè fert appellacionem Priscilliani non cobitatum fuisse ab Episcopis qui sententiam adversus eum tulerant. Loquitur autem de appellatione ad Imperatorem. Explicatur locus Sulpitii Severi.

I. **S**atis, ut arbitror, Orientem speclavimus. Redeamus itaque ad Oc-

cidentem; & videamus an illic obtinuerint canones Sardicenses in gratiam Episcoporum dejectorum. Occidentis nomine per eas tempestates comprehendebantur universæ Ecclesiæ quæ tum continebantur intra terminos Imperij occidentalis, à confinio Thraciae usque ad Oceanum. Distinctio illa Orientis & Occidentis introducta fuit in Imperio temporibus Vespasiani, tametsi corpus Imperij divisum non esset. Sed divisionem illam peregit Diocletianus: cuius exemplum imitatus Constantinus Imperium divisit inter filios suos, iis limitibus Imperiorum constitutis qui dein Ecclesiarum quoque limites fuisse. Divisus autem erat Occidens, æquè ac Oriens, in Traictus & Dioceses numero septem. In Italia quippe duæ Dioceses erant; quarum una urbi Romana contributa erat, & decem provincias complectebatur; altera vero, quæ constabat ex septem provinciis, civitati Mediolanensi suberat. In Illyrico provinciæ erant xvi. quarum caput erat Sirmium. Cum autem divisum illud fuisse in orientale & occidentale, Thessalonica constituta est caput Illyrici orientalis; reliqua vero Illyrici pars Praefecto prætorio Italiae subjecta fuit. Africana Diocesis sex provincias complectebatur, quarum caput erat Carthago. Diocesis vero Gallicana ex xvii. provinciis constabat. Britannica quinque provincias numerabat; Hispanica vero, sex. Hæc in antecessum monenda erant, ut facilius intelligi possent ea quæ heic dicti sumus.

II. Canones Sardicenses, qui in schismate Ecclesiæ conditi fuerant, serò in Occidente recepti sunt: quoniam Imperatores rescriptis suis decernebant celebrationem synodorum ad judicandas causas Episcoporum, tum etiam rescripta concedebant pro retractatione causarum. Eo autem jure privare Principes noluit synodus Sardicensis; sed tantum in Episcoporum depositorum arbitrio positum esse voluit Episcopum Romanum vel Imperatoratorem appellare pro obtinenda causæ revisione.

III. Confusio quæ in his synodis occurrit, & lentitudo negotiorum quas invehebant rescripta Principum, novæ constitutioni occasionem præbuerunt, quæ ab Imperatore Gratiano edita est juxta postulata cujusdam synodi Romanae. Gratianus ergo jurisdictionem ecclesiasticam ordinavit quoad judicia Episcoporum de hæresi suspectorum, & in ea lege magna ratio habetur Summi Pontificis, sed alio prorsus modo quam eo qui fuerat præscriptus in synodo Sardicensi. Unde colligitur eos